

佛說觀彌勒菩薩上生兜率陀經講要

太虛法師講

上海佛學書局印行

觀彌勒上生經講要序

彌勒在釋迦教係中，爲發起妙有之上首，與文殊遙相應答，最奇者以菩薩而現比丘相，爲釋迦弟子，此則以在此界補處當來，故不同於他方之化現菩薩也。其所宣說之唯識法相教義，在李唐曾勝宏一時，有宋以降，禪淨大興，佛徒幾不知有彌勒教義及兜率往生之說，甚或依彌勒示化之布袋和尚，而創爲種種邪說。太虛大師深研彌勒教義，廣說彌勒上生經，使佛徒知西方淨土外，尚有此同界同業之人天淨土功德殊勝，匪可思議，近更住持

彌勒示化之奉化雪竇寺，故惺客歲在閩院與大師清談之際，曾主張以雪竇爲彌勒紀念道場，列爲五大名山之一。而申其說如左：

案敎中文殊大智、普賢大行、彌勒大慈、觀音大悲，皆有對待相成之密意，不可或分。我國向列之四大名山，以地水火風四大爲標幟，五台之文殊表智屬風，大峨眉之普賢表行屬火，大普陀之觀音表悲屬水，大九華之地藏表願屬地，大而歷劫以慈心三昧著稱之彌勒識大，獨付缺如，此缺陷者一也。

密宗曼荼羅中，以普文觀彌四菩薩表四智化身而成四佛。合

爲中台八葉，使我國佛跡只具四大名山，不立彌勒之道場，是中台八葉中缺北方成就佛，四智中無成事智，亦顯國人慈心不足，彌勒不化，此缺陷者二也。

參以中國五行生剋之說，普陀在南方屬火，峨眉在西方屬金，五台在北方屬水，九華在中央屬土，惟東方木位空虛無物，春木不動，萬象皆滯，若離慈心，所有一切皆成魔業，此缺陷者三也。

基於上述理由，若以奉化雪竇爲彌勒道場，列爲五大名山之一，以九華表中央無障礙智，依地藏大願執持一切，如是四方

四智一切圓成，不獨可以貫通中印之思想學說，且可預兆彌勒教義之重興。千載之祕，待時而興，因緣殊勝，不可思議。蓋虛大師以不世之人，精研彌勒教義，而復住持隣近彌勒應化之道場，天造地設，可以補我地理歷史上之缺陷，謂非千載之韻事可乎。

此說頗得。大師之印可，故今春特在雪竇宣說觀彌勒上生兜率陀天經，以發其端，特來書欲惺序其梗概。竊以法身真常無所不在，固無所用其紀念。若夫化身示現，形同人事，儼有去來生滅之跡，則其因緣感發，啓人至深，是則彌勒之示現布袋和尚於奉

化今得 虛大師而住持之、香火因緣良非偶然、故於 大師宣
說彌勒上生經之際、特唱雪竇爲五大名山之議、並願 大師於
雪竇中依華嚴教義、建一彌勒樓閣、俾由兜率內院而卽入華嚴
法界、攝九世於一念、現龍華於今日。法界有情、有願彈指卽入彌
勒樓閣者乎。請自朝禮奉化雪竇始。

癸酉之春、常惺序於海陵光孝寺之碧雲丈室

佛說觀彌勒菩薩上生兜率陀天經講要

太虛大師在武昌佛教正信會講

弟子

韋觴
清虛記

今釋此經分爲三段。一釋題目。二明綱要。三解文意。

一 釋題目

此經題。卽是佛說觀彌勒菩薩上生兜率陀天經。在此題中。佛說二字。顯說經之主。說經有菩薩弟子諸天鬼神等所說。與佛理相應。爲佛印可者。皆爲佛說。故一切經首。云佛說者。卽此意也。此經皆優波離與佛相問答之辭。阿難結集者也。梵語佛陀。

簡稱曰佛。華言覺者。卽覺悟宇宙一切真實諦相。故凡證得無上正等正覺者皆名曰佛。此是通稱。但此佛是指本師釋迦牟尼也。以釋尊應化此土爲娑婆教主。故此世一切經典皆釋尊所說。是以佛說者卽釋尊所說也。佛云何說法。諸法性相。離一切相。所謂離文字相。離言說相。離心緣相。微妙難思。自內所證。法華經云。諸法寂滅相。不可以言宣。以方便力故。爲諸衆生說。佛以大悲願力。爲諸衆生開示悟入佛之知見。令未解脫者解脫。未悟者悟。而佛已無一切生死煩惱。已證涅槃菩提。但諸衆生猶沒在苦。則所願尙未滿足。亦卽爲佛果未圓滿。一切經皆

是將佛所證境。以方便善巧。而施設之教化。現所講者。卽諸經中之一經爾。

觀卽能觀之智。所觀之境。卽是彌勒上生菩薩。是通名。發起菩提心。集修福慧資糧。行菩薩行。由十信至等覺五十一位。皆名菩薩。故菩薩名字。極其廣泛。同一世界。有無量無數。如文殊普賢等。此中所稱菩薩。專指彌勒等覺菩薩。一生補處。位隣大覺。此身一過。卽證阿耨多羅三藐三菩提。菩卽菩提。智慧之意。上求之智也。薩卽薩埵。有情之意。下化之生也。以菩提爲能化之智。以薩埵爲所化之境。故曰菩薩。但補處非只彌勒一焉。而十

方世界甚多。如觀音補彌陀。維摩補阿閼是也。彌勒譯音。正云梅怛利耶。此云慈氏。當來作佛。仍稱彌勒。以多劫行慈心三昧故。爲釋迦佛弟子之一。佛曾爲授記云。遇增劫後。卽當於此土作佛。教化衆生也。佛滅度後。彌勒旋亦示滅。然去成佛之時尙遙。一生補處。於此中間。居何處耶。佛乃說其上生觀史陀天。上由下而昇也。生卽新起之意。佛法中言天有多種。如欲界六天色界十八梵天等。兜率陀天。玄奘法師譯爲觀史陀天。此云知足。此天受樂知足故。兜率爲欲界第四天。此爲佛開示弟子。作一生不退轉之依止處也。如現世外道。假爲彌勒出世。龍華快

觀云云。此等魔說。不應正理。經梵語修多羅。佛典有經律論之三藏。此屬經藏。曰經。餘如常釋。此經翻譯爲宋時——南北朝劉宋。非趙宋。——一西域居士名沮渠京聲。是有歷史可考。不同僞譯也。釋題竟。

二 明綱要分四

甲（一）淨土存在之理

佛說此經。在令衆生依法修持。往生兜率淨土。然此淨土。是彌勒無量福德。天神供養。衆生所成。故一生其處。卽不退轉。非若普通之生兜率天也。淨土分自受用。他受用。及變化淨土。自唯

自智所證。不共之土也。他則爲共淨土。係諸佛菩薩。爲下地諸大菩薩而現者。變化淨土。則佛菩薩。爲凡夫而現。此兜率淨土。卽變化所攝。方便攝受成熟此土欲界人天。而化現故。十方諸佛。各有種種淨土。如彌陀極樂。乃他受用。兼變化之淨土也。但初閱淨土經典者。常作文學觀。謂諸淨土。皆莫須有之事也。係由想像而設。以作精神之寄託。又有研究哲學者之理解。以爲淨土是假設之目的。如伯拉圖之理想國。此等邪說。不應道理。淨土實有。理教可證。經云。虛空無邊。世界無量。此種事實。在古代尙不易證知。但近時科學昌明。則證之殊易。如天文學謂太

陽系有八大行星。吾人之地球。爲八行星之一。如此太陽系之世界。空中不知凡幾。於此可見科學發達。益知於世界之大。實足以證明佛說之不誣也。世界既多。苦樂應異。如天世界勝人。地獄世界則遜於人。世間苦樂。視業力之善染而分之。故超此染界。卽有諸佛淨土。變化土則爲佛與衆生間溝通之橋梁。是故淨土之有。寧不許耶。又研究空宗般若者。明一切法皆空。如心經諸法皆空。與金剛經若以色見我。以音聲求我。是人行邪道。不得見如來。謂一切淨土皆空無有。又如經論明三界唯心。萬法唯識。謂內根外器皆唯識變現。乃至諸佛淨土。及應衆生。

之變化土。亦唯心識。實無淨土。生此疑者。要皆未知佛法一貫之理。相通而不相背。確切認識佛法明空。是卽有而空。以一切法皆因緣所生而有。如幻如化。無自性故。以物質論。原子電子。皆不能成最後之單位。以衆業因緣合和而現。以其無自性也。明一切法空。以其因緣生也。明一切法有。緣生故性空。性空故緣生。由此淨土非無。並不礙皆空也。又唯識者。非離去現前人。世別有唯心唯識。乃明卽此衆緣所生之天地萬物。皆唯心識。都非越出心識之外故。皆受此心識功用之變化影響故。故曰萬法唯識云云。是故唯心亦不礙淨土之有也。

甲（二）求生淨土之意義

阿耨多羅三藐三菩提之大果。須廣集福德智慧資糧。行菩薩行。始能成辦。然人上壽不過百年。命在呼吸。而集資糧以求得生死之自在。事爲至急。若不能卽得生死自在。則第二生之隨業受報。或致迷倒淪墮。前此功德。豈不唐捐。佛說淨土法門。在令得到一生不退。由衆生同向願力。佛菩薩大悲攝受。力使命終時往生淨土中。聞法修行。此與初發大心之凡夫。實最相應也。不退之理。以得常親近佛菩薩聞法加持故。

甲（三）十方佛菩薩淨土甚多

十方淨土。無量無邊。如西方彌陀淨土。東方藥師琉璃淨土。上方衆香淨土等。法華經云。臨命終時。千佛授手。十方佛土。隨願往生。故漢地雖專修西方淨土者多。而康藏等地。則多有遍發往生十方佛淨土之願者。以莫知應擇故。

甲（四）兜率淨土之殊勝

兜率淨土。殊勝有三。一、十方淨土。有願皆得往生。但何方淨土。與此界衆生最爲有緣。則未可知。彌勒菩薩一生補處。以當來於此土作佛。教化度生。故特現兜率淨土。與此界衆生結緣。故應發願往生兜率。親近彌勒也。二、兜率淨土。同在娑婆。同在欲